



四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代  
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

# 補編第二一冊目次

皇明奏疏類鈔六十一卷(三)

〔明〕汪少泉輯 孫維城等重輯  
明萬曆十六年刻本

皇明奏疏類鈔六十一卷(三)

〔明〕汪少泉輯 孫維城  
等重輯

明萬曆十六年刻本

浙江圖書館藏

皇明奏疏類鈔卷之三十三

爵諡類一

論誥勅疏

李賢

臣聞誥勅者勸懲善惡之良法激勵名節之美事夫豈無益之費哉洪惟國朝制諸司職掌誥命一事至詳且備可為萬世法程凡大小之臣有私過者終身不得無私過者方許請給既與之後少有私過輒行追奪於是為官者未得之前兢兢小心既得之後益加謹懼馭士之方惟此為要此事一行則天下之士莫不感激去惡為善脩德飭行顧惜名節是以所費者少所勸者多若此法不行則士皆失望善惡不分名節不振其有廉潔自守者反為貪夫所笑以為無異於我如此則天下之士相率而入於利途民之被害可勝言哉是朝廷所惜者寡而下民所傷者衆臣竊痛之然此事非但勸夫在位之士其未入仕者見已仕者蒙此恩榮推及父母光輝鄉里莫不爭自琢磨奮志經史明體適用竭力殫志願為國家之用矣譬之以餌致魚者投餌之費小得魚之利大有國家者豈可舍此不為哉我國家自洪武永樂以來此法雖行而未為盛至洪熙宣德以來

皇明奏疏類鈔卷之三十三

一

始大舉行於是天下之士無不歡忻無不感激迫皇上即位以來率由舊章近者行在吏部欽奉

旨意今後誥勅俱待九年考滿方與不許照諸司職掌施行臣愚不審聖意所在若以織造費財

臣已言之於前謂所費者少而所利者多若以為官得之易而多不保守旋復追奪則臣所目見保守者

什九追奪者十一况中人之才可為善可為惡授職三年即得誥勅不勝榮幸遂革非向善戰兢保守

而無端正之士若待九年則此輩必不待久遂流於貪况九年方與不得給者十常八九何哉凡内外官

皇明奏疏類鈔卷之三十三

二

員九年之中多不能齊有歷任四五年而轉遷者有歷任六七年而保陞者有父母垂老而不能待者有已身多故而不遂請者如此則天下之士感激少怠志多使國家勸善懲惡之法激勵名節之心無所於藉而下民亦不能不被其害伏願皇上留意祖宗之成憲遵先帝之良法昭曠典而

宏王澤乞勅所司今後誥勅仍照諸司職掌施行在京官員三年考滿依例請給在外官員三年與

本身六年請封贈如此則天下之士善不患不勸惡不患不懲名節不患不振民不患不安矣臣為駁封

主事職頒 誥勅既有所見豈敢隱默若以避嫌而  
不言則爲不忠以所掌而自言則爲要名臣寧犯要  
名之責無寧犯不忠之罪故陳愚悃干冒 天威  
不勝戰慄之至

舉贈諡以勸忠疏

丘濬

臣按先正有言國家所以馭臣下者不過禍福榮辱而已爲善者生享其福死受其榮不善者生遇其禍死蒙其辱天下雖欲不治安不可得也如有不令之臣生則盜其祿位死則盜其榮名善者不知所勸惡者不知所懼臧否顛倒不可復振其爲害可勝道哉臣惟生者之禍福出於一時蒙蔽衆論之不公人衆者勝天固可僥倖而苟免而事久則論定天定則勝人至於蓋棺事則定矣猶以偏愛之心持不公之論以愚而爲賢當辱而反榮是終無天道矣是以三代

明王立爲諡法以爲死後榮辱之典善者予之以美諡惡者予之以惡諡孟子所謂孝子慈孫百世不能改而世之昏君嬖臣乃以一己之私而掩天下之公非惟得罪於世教而實得罪於天帝也三代以前君之諡則請命於天臣之諡則請命於君天不言而人代言人代天言而反天之道天必殛之君不定而俾臣代之臣承君命而負君之托逆天之理違國之法雖一時道於人刑其如天道何唐宋諡議掌於太常博士凡於法應得議者考其行狀撰定諡文移文吏部考功郎中覆定之 本朝雖設太常博士而不掌諡

議洪武初惟武臣有諡至永樂中文臣始得諡蓋自姚廣孝胡廣始也自後文臣亦多有之然我朝之諡皆出恩賜然臣竊以謂九重之上於臣下之賢否未易盡知請自今以後有應得諡者未賜之先下攸司俾其考定訂議以聞然後從中賜下如此則得之者以為榮不當得者不因其親故之囑託其當得者不為朋黨之掩蔽國家激勸臣子之大法端有在於是其為世教之助夫豈細哉

遵成憲禁傳乞以惜名器疏

屠僑

近該錦衣衛右千戶所旗幢司校尉邢福海奏以隨侍與獻帝之國三十餘年及姊邢氏寅侍藩宮之勞乞要比照輔聖夫人家屬百戶魏振等事例陞本衛所見任職事該兵部執奏未蒙聽納隨該司禮監太監鮑忠傳奉聖旨莊奉夫人邢氏弟校尉邢福海肅奉夫人顧氏弟小旗顧錦都陞錦衣衛世襲正千戶兵部知道欽此又該本部執奏奉

聖旨已有旨了欽此臣等得報驚愕方欲論沮又該邢福海顧錦奏以兵部註於帶俸數內乞要見任奉

聖旨兵部着了來說欽此夫官有當授則必任之以事邢福海等不思乞陞已非其據且嫌於帶俸而欲乞見任臣等於此未暇深論直以其官自不宜授耳竊以武職非有軍功不許輕授此祖宗之成憲垂之千萬世而不可易者也今邢福海妄擬陳乞該部執奏為成憲之難奈也

陛下乃不少思

祖宗垂憲之嚴與本兵職掌之重竟批答曰已有旨了是何甘自紊壞至此哉且武職之授必有軍功不待言也授而世襲以其祖宗有勲勞於國故官其子孫與國同休戚也今邢福海等以其侍國年久不

過執役之勞既非軍功之比以其姊氏嬪御自有封命之寵亦與私家無與又其所擬輔聖莊奉等名號不同則各人在 宮事體亦別在前日所進之恩非今日可援之例原情據法雖百戶亦不宜授也况千戶乎千百戶皆不宜也况正千戶而世襲乎是非之判甚為明白治亂之機大有關繫 陛下聖明豈得獨昧於此乎議者皆以為由於莊奉肅奉二夫人之寵故邢福海敢於陳乞顧錦亦得併傳而

陛下特有以私之也夫女謁之不可不戒也尚矣寵既盛於內事必預乎外漢飛燕唐太真之禍可鑒也

皇明泰疏類鈔

卷之三十三

七

若果以邢氏顧氏侍奉之勞則既有 寵命之褒矣即欲推其私家亦不過賞賚之而已爾若武臧世襲以待有軍功者豈宜輕授乎况傳陞乞陞官職乃正德年間權奸用事弊政也 陛下登極之日因其事乖成憲首 詔裁革天下臣民方切慶幸延頸以望嘉靖之治不意查革方定 聖墨未塵而陛下身先背之且前此以宮闈親屬傳授蔣冊等為錦衣衛指揮正千戶及吳振等為百戶該部執奏臣等交章空言無施至今為憾茲乃又因女侍之故至以旗校之役而輒隆以錦衣五品之階不獨止其一

身之榮而定以子孫世官之典在 祖宗不肯輕

假以名器 陛下每濫以與人而全無顧惜若果

有軍功者更將何以待之乎此 臣等之所未喻也夫

武宗之朝傳乞之弊起於權奸其流尚至於泛濫而

不可收拾今日傳乞之事或由 宮闈或由女謁則

因常掩義公不勝私而其流之弊又有不可勝揀者

於此不戒天下之事未可知也伏望 陛下熟思

臣等所奏深惟 祖宗成憲之當守 朝廷名器

之當惜 登極詔旨之當信特為追寢 前命令福

海等止以原役供事不許再有陳乞則 陛下改

過不吝上有以昭一德於乾斷之剛而聽言能行下

有以息羣疑於私愛之溺矣天下幸甚 宗社幸甚

皇明泰疏類鈔

卷之三十三

八

慎爵賞以正國體疏

汪淵

臣等伏觀嘉靖元年三月二十五日奉 勅旨內外

文武勳戚大臣大學士等官楊廷和等或以定策或

以贊襄或以迎立或以效勞或以迎護或以當時在

朝各序功次封侯者一人封伯者二人廢錦衣衛世

襲指揮者一十六人世襲千戶者一十六人其餘陞

官加官加祿陞俸給賞各有差等臣等竊謂爵賞人

主之大柄天下之公器必慎之惜之勿輕以施然後

爵賞之典重而人主之柄尊否則賞非酌功爵不稱

德滋泛濫之弊啓鑽求之門不至於拂人心壞國體

臣朱之信也 陛下興獻帝長子 興獻帝

孝宗皇帝親為不幸而 武宗皇帝不嗣則入繼

大統光嗣 孝宗非 陛下而誰歸然則

陛下之有天下倫序當然人心共屬私議無所加人

力無所為况 先帝之遺詔明頒 昭聖慈壽

皇太后之懿旨已定大學士楊廷和等何與定策太

監扶安等何與贊襄至於駙馬等官崔元等之捧

符迎立太監張佐等之藩邸效勞惠安伯等官張傑

等之拜迎護凡此臣子奉職之常食佔之祿者事

朝及親戚并藩府諸臣 陛下即位之初俱荷

寵榮或陞祿位或隆錫予於分已足於禮已榮豈應

再加非分之典夫侯伯至貴之爵也非開國元勳不

可以遽封錦衣衛指揮千百戶至要之官也非汗馬

勞勩不可以輕授我 太祖高皇帝親冒矢石間

關幾二十年始有天下彼時諸臣運籌戮力之功莫

如劉基雖封伯爵尚不世襲今日 陛下之有天

下與 太祖高皇帝如何諸臣之輔 陛下與

開國諸臣之輔 太祖高皇帝如何 陛下非

創業之君則不必行賞諸臣無開國之勞則不當受

賞何也天下者天下之天下 陛下應得而得之

在 陛下不為泰於諸臣不為功胡乃輒生異議

濫序勞動官爵可及於爛竿祿賞反輕於救袴商人

謂爵人於朝與眾共之又曰眾悅而後行賞今

陛下勅旨一出議論沸騰人心不服既非與眾之公

又無眾心之悅何所取而行之且 陛下此舉古

今天下殊恩擬議不下廷臣撰 勅恐非內閣跡同

傳奉與屬私情何以詔天下何以示後世受者何足

榮與者何足惠 聖明在上舉動之輕爵賞之濫

於爵賞之大非所當得而得之安能無災 陛下

恩雖厚而反貽諸臣之災非所以愛惜臣下也詩曰

殷鑒不遠在夏后之世 陛下獨不以 先帝

為鑒于正德年間姦邪怙勢僥倖成風冒功奪功傳

陛下請乞奴人厮僕悉厠崇階冗食贅員布滿朝著紀

綱紊亂國祚幾危幸而 陛下登極首先沙汰人

心始快朝政始清今 陛下行之未久何為而復

蹈前轍臣愚竊謂此非 陛下意也亦非有識者

所言之也中間必貪饕儉小急於富貴盡惑

陛下行之假報功之說為自遂之謀獨不知於彼之

願得矣於 陛下之國事何哉濟一己之私誤

陛下天下之大此輩置諸典刑尚有餘辜夫漸不可

長隙不可開臣恐此舉之後供一事者必自叙偶一

得者必要功姦回犯法之徒必援引而覬覦夤緣奔

競殆無虛時其弊之流將日甚於 先帝之朝不

至於極敝大壞不已也 臣等待罪言官職司諫諍治

亂安危之機人心向背之繫大非細故敢不捨生昧

死為 陛下極言以救今日之失以杜將來之禍  
伏望 聖明念大業之艱難惜爵賞之隆重收回  
成命俯恤人言庶幾 恩不濫施政無乖謬而

宗社可保於萬矣

嘉靖元年四月初二日

慎爵賞嚴主威以正國體疏 張九叙

日者 陛下親臨手勅付之吏部兵部等皆以

紀元之初肇修大政必有 聖謨號召文武羣僚

以新天下之瞻聽以振紀綱之弛墮是以異禮貌而

特錫既乃尚書喬宇等覆 奏之後有本送科則

陛下以入繼大統歸功臣下爵賞之施特超常格臣

等見之伏竊愕異夫后無嗣建支子以繼大宗禮之

經也以是我 太祖高皇帝祖訓之製明示以兄

終第及之文其為 聖子 神孫萬世慮深遠矣

况 陛下以 武宗皇帝第一懿弟入奉

皇明泰疏類鈔 卷之三十三 十一

皇考孝宗皇帝之祀為萬方民物之主既親且長倫

序最正天與人歸不約而合 武宗遺詔之頒

昭聖慈壽皇太后懿旨之出大學士楊廷和蔣冕毛

紀皆以職事奉 命視草是遵我 皇祖之明訓

當其時非敢擬之而後定也若 陛下以為元功

進爵為伯給之誥券俾子孫世世承襲食祿一千石

恐非廷和等之所敢當也漢盧植語竇武曰同宗立

後披圖按牒以次建之何勲之有豈橫叨天功以為

已力乎宜辭大賞以全身名武不能用卒受聞喜之

封以及於敗廷和等之所知也費宏拔起久廢之餘

贊佐 清朝之政遇亦奇矣若蔭一子錦衣衛指揮

使世襲恐亦非宏之所敢當也 陛下與其重錫

廷和等以延世之賞不若能任廷和等盡格心之責

聽信不專徒畀厚利有識者懼矣親捧信符迎立等

官駙馬都尉崔元太傳壽寧侯張鶴齡禮部尚書毛

澄承事奔走亦其職也前者賞銀各一千兩紵絲各

二十表裏酬過其勞論者方以為濫彼之受之已不

勝其愧而已矣我 朝駙馬都尉與公侯伯俱列為

爵非若前代徒為名號崔元以民間子弟惟材貌選

尚 公主受茲重爵報答 洪恩雖勞不過比之以

皇明泰疏類鈔 卷之三十三 十四

勤事之人臣萬萬不同無功而侯恐不可也而况子

孫世世承襲食祿一千五百石乎張鶴齡緣戚昵之

私承封侯之業弟兄並列榮遇已極加祿三百石盈

濫甚矣况太師人臣之極以奔走得之何以勵臣節

哉毛澄以集議 大禮不得盡其職守固已踧踏不

安太子太傅蔭子一人為錦衣衛世襲指揮同知亦

非澄之所敢當也夫叙授立之功率因叔季之世主

威削弱強臣擅命而後有之我 國家體統嚴正事

權無偏重之虞 陛下曆數在躬神人歆戴奈何

自受擁立之名哉宦寺之用事也自漢武帝數寔

慶潛游離館奏請機事多以宦人司之迤於東京委用漸大於是舉動回山海呼吸變霜霧非復掖庭永巷之職閨牖房闈之任也其後孫程定立順之功曹騰參建桓之策漢之紀綱因以大壞及唐中衰遂有門生天子定策國老之名唐之禍遂不可言今

陛下聖德龍興非若漢唐之主果立於內寺之謀也陛下何以太監張錦得預奉迎之役輒欲廢其弟姪一人為錦衣衛世襲指揮僉事 陛下又何以太

監扶安溫祥賴義秦文張欽張准各能同心替襄大計輒欲各歲加祿米三十六石廢其弟姪一人為錦

皇明奏疏類鈔 卷之三十三

十五

衣衛世襲指揮同知當 武宗之世事多司禮監

所擅幸 陛下一切置之不問亦已寬矣顧乃以

贊襄大計歸之臣等恐 主威之漸以不振也至於

蕭敬累經論列 陛下不惟不能遠之且復用之

亦已誤矣槩因旅進得加祿米三十六石廢弟姪一

人為錦衣衛指揮使誤又甚焉黃偉鮑忠各歲加祿

米二十四石廢弟姪一人為錦衣衛世襲指揮僉事

臣等抑不知其以何功也恭惟 陛下之在藩邸

聰明仁孝又有令聞 武宗大漸之際天下屬心

諒 陛下養成懿德必多近端人良士以為前後

今 陛下祿從事藩邸効勞年久左右有功之臣

乃張佐董英戴永張忠刁永馬俊賈友陳宣閻洪趙

山黃錦李清王竚孫端趙彬李雲張昇蘇瑾郭伸趙

林陳林張西劉臣劉銳丁玉劉榮各欲加祿米多者

至四十八石次者三十六石再次二十四石廢弟姪

為世襲錦衣衛官多者二人次者亦一人其大者為

指揮使同知僉事次者則正副千戶百戶夫佐等各

先任 藩府承奉等官不過給應使命幸遭際會從

駕來京既已陞各監太監諸職并得着蟒衣玉帶等

項服色榮已極矣今若加祿世廢則猥濫莫甚誠非

皇明奏疏類鈔 卷之三十三

十六

古聖帝明王立法自近之意我 祖宗愛重爵賞

之心也昔者漢文帝之自代來也當劉氏開創之初

諸呂難作之際惟宋昌決策勸進乃獨重賚其餘六

人但以叙進未聞以從龍之功盡錄中官至二十七

人之多也况此二十七人者皆無宋昌先機觀變之

功 陛下奈何欲事出漢文之下乎况我

祖宗初治之令甚嚴各監局內臣無敢招置家人樹立

田產交通外屬者是以志意專良無敢敗事自王振

以來始壞舊法甲第名田橫連都鄙弟姪支附半於

郡縣專樹黨類更相援引希附強權者率腐身熏子

以自銜進敗國蠹政之事至正德以來極矣

陛下方屏逐羣小查革傳陞乞陞官員未一年也何為蹈其覆轍私昵寺監且使錦衣衛內官監之譏再見於萬夫之口哉臣等誠以為不可也方陛下

即位之後即 勅下禮部頒賞勲戚文武大小臣工既各差受銀幣之錫矣督兵迎護道路惠安伯張偉侍郎鄭宗仁趙璜不必復加祿陞俸當時在 朝府部院寺諸司掌印官并各科道官不必復賞表裏銀兩建昌侯張延齡慶陽伯夏臣亦不必加官益祿進階而廢其舍人蓋前日之賞 列聖以來登極之舊

皇明恭錄類鈔

卷之三十三

七

例也既賞矣旋復賞之是何例也臣等聞之上出無名之賜為費下受無功之賞為貪費非經國之謀貪失格君之本君臣之義無所逃於天地之間

陛下入繼大統天下之大義也奈何欲以利啗臣下哉臣等誠以為不可也我 朝外戚雖得例受封爵皆以大宗嫡統之親以叙次進 陛下既專承繼

之義又念顧復之恩勉以 昭聖慈壽皇太后之

命尊 祖母曰壽安皇太后 本生母曰興國太皇

后踰禮之經伸其情矣豈可又推其情俾邵喜蔣輪得進爵徒取私厚外氏之名於天下後世哉

陛下既母 昭聖慈壽皇太后則 孝貞紀皇后

乃嫡祖母也自當以王張二家為一而二家各已

有封矣今復封蔣邵則爵制過盛外家寵備上等聞之漢之王氏以諸舅受封比紱和之末丁傳皆為列

侯陰沴女孽大千天常於是黃霧四塞異世相見諫大夫楊宣曰此殆爵土過制傷亂士氣之所致也而西京之救寔以是兆今春以來黃濁之氣蔽天塞地

晝夜不解日月星辰精光失耀乃正月十九日雨土其暮風霾大作變恠異常皆 上天先事垂戒及我 祖宗陰示告教之意 陛下徒知警惕而

皇明恭錄類鈔

卷之三十三

十八

不知攬威柄決蒙蔽以回變異乃欲大塔封爵及於外戚大臣侯一人伯五人世蔭高官又將及五十人何視之輕而予之易且多也若 陛下念蔣邵二

家時加存問俾以舊官得奉 朝請斯固悠久保全之道不昵私親之禮也臣等竊又聞之爵人於朝與眾共之言人君不敢以天官私非其人也其所謂人君獨斷於上者則以合卿大夫國人之言而後斷之

非獨出己意貿然斷之也今 陛下特降 手勅大頒爵賞既不先下該部集議可否視草代言內閣

又不預聞顧乃與一二近習決策於中大違經義甚

祖集之法者一二近習欲擅替襲大計之

功固結 陛下之寵幸播弄威福既以世賞牽制

內閣又以厚爵援樹外氏徧賚列卿及諸給事中御

吏以收其心而塞其口誠大謬誤也伏望 陛下

大奮乾剛治倡議者之罪亟收 成命以決蒙蔽之

漸如果斷自 處亦宜會已從人示天下以王者

無私之義邊境行謀杜塞小微功勳之心則

主威日嚴人無異議近習知懼政務不移天變可回

國體可尊矣此誠宗社安危所係天下治亂之機惟

陛下慎之重之無貽後悔也臣等披歷肝膽不勝愧

皇明奏疏類鈔 卷之三十三 九

嘉靖元年四月初二日

慎名器以愜公論疏

許復禮

頃者該兵科具題為 欽奉事據通政使司送據

蕭諫等各告受廕前來本部欲便遵照節奉 勅旨

將蕭諫等廕授指揮千百戶俱照後開註定錦衣衛

各所司帶俸等因題奉 聖旨這各官都照原降

勅旨與世襲蕭諫等着掌上海張潤等各依擬銓

註管事內府衙門該祿米的着戶部查照 勅旨行

欽此隨該兵部覆題前事內開蕭諫張潤等不係軍

功與世襲不由考選俱令管事上輕 國家之名

器下貽諫等之罪愆等因題奉 聖旨已有旨了

皇明奏疏類鈔 卷之三十三 二十

欽此 臣等竊惟 恩賞一事前日羣臣交章諫止情

已罄矣詞已竭矣未蒙俞允近日吏兵二部及各衙

門及南京六科才三道等官又皆交文章奏 請亦未

蒙准信臣等仰承 聖意遲延月日不欲連章數

諫者以俟 聖心開悟洞見輿情不以改易為難

而以從善為貴且使要於至當而後已迄今閱日之

久大臣累疏辭免而尚未得處戚晚近習宴然冒受

而醞釀益深夫爵賞本為勸功也眾悅而後賞之理

之常也今 陛下延賞羣臣而使物議沸騰如此

則亦何貴於賞哉况錦衣係近侍衙門所關者甚若

不往選擇而弊以廢叙私及其人則將來戚晚近習  
比例黃綠充斥衛所耗糜致不窮大權又將復蹈正  
德年間之轍矣况世襲父兄之子其任必待考選此  
祖宗之成法 累朝之嘉例若一旦廢之何以定內  
外武臣之法守而服天下後世之心也耶臣等職司  
言路今雖循默順旨天下後世必將以今日為濫賞  
且責臣等以不言之罪臣等與其受天下萬世之責  
且陷我 皇上於有過孰若披瀝肝膽盡言於  
上以不免於斧鉞之誅為是耶且此舉未善若一人  
言之而輿論未協未足信也小臣言之而遠臣未言

皇明奏疏類鈔

卷之三十二

二十一

未足信也今大小臣工合詞奏 請遠邇臣庶不約

而同 陛下獨可違之而自信乎聖王本人情而

為治若違衆心而直遂恐非所以與衆圖成之道也

陛下試於 便殿燕閒之時悉取前後諸臣辭奏之

疏遍閱而詳 其義可以自見矣密勿大臣功在

社稷誠有如 聖諭諄復慰勉者 陛下尚且

准辭伯爵况近習之廢叙顧敢居然冒受乎前日南

道御史陶儼等奏稱中外臣民咸謂 陛下偏厚

戚屬欲徇其苟得之情故連擊 內閣以息其私賞

之議今若此則是果如人言矣紛紛物議何時而能

且封廢通制在諸臣則受貪冒之名在  
陛下則蒙濫與之失本以廣 仁恩顧以虧

治臣等竊為 陛下亦反也然戚晚驟進已不

衷心而都尉封侯則難開事例從 龍超擢已為

近習司禮舊任自足酌勤今又世襲不由軍功見任

不由考選何以示法天下耶况加祿陞俸係耗軍國

之需銀兩紵絲各有歲額之數蘇軾云與其平時耗

於不急之用曷若留貯以待乏絕之供見今邊患告

急四方靡寧羣小窺測投間抵隙人心未定治亂攸

分胡安國所謂舉動人君之大節賢哲量之以行藏

其道奸邪窺之以作止其惡四隣望之以厚薄其情

正此之謂也况人臣之義與國休戚天下安則人臣

榮天下危則人臣辱若惟貪圖榮利而不顧國事之

成敗前日正德年間之事可以鑒矣是豈遠而難見

晦而難知者哉且維新快觀之際史冊必書四夷必

規天下 諸藩亦必拭目而具瞻者若本源一差未

流難制臣等伏望 陛下思之若果無關於治亂

不傷於 國體臣等何為不知將順 德意為美而

且好處戚晚近習之怨恫耶臣等言論及此拊心自

訟深慚精誠不足以感悟而言意不善於開陳愧古

皇明奏疏類鈔

卷之三十三

二十二

人遇卷之誠曠瑣諫垣諍之職臣等罪豈能逃伏望

陛下大奮乾剛開張 聖德收回累次之 命姑

惜封塵之恩於有功者則加議處務使賞當其功而

不處非其義於無功者斷之以義使賞不濫授而絕

佞倖之萌庶乎 祖宗之成法保守而不墜 朝

廷之名器貴重而不輕可以服天下之心可以銷覲

覲之念可以弭四方之變可以節糜費之供成 中

興之治者此其一節目也可不慎哉可不慎哉

嘉靖元年八月十三日題

皇明表疏類鈔 卷之三十三 三三

重官賞以全國體

安磐

臣聞賞以待有功而一切無功者不得濫官以選良

士而所謂賤類者不得干故無功而賞則有功懈賤

類而官則良士羞臣竊見太監張欽義男李賢

陛下因欽之請而官以指揮該部該科言之可謂剴

切詳盡而 陛下固以與之 臣竊以為不可昔漢

館陶公主為其子求郎明帝不許而止賜以錢夫公

主之與內豎孰親公主之子與內豎之奴孰貴郎官

與指揮孰尊明帝不肯郎其女之子而 陛下乃

指揮內豎之蒼頭可乎故臣謂不可而不可者有八

總旗千百戶 祖宗朝不輕以與人今以指揮賞

及卑賤不可一也徇內豎之私情亂天下之公典不

可二也撓大臣之執法拂言官之讜論不可三也蕭

蕞等以蕭敬等之戚屬拜官且曰不可而賢以家僮

受職匪惟蕞等羞與之列而內臣之稍知臧否別良

賤者亦自不平不可四也開義男濫仕之途使席寵

陳乞者藉為口實不可五也且今制 公主之子嫡

且長且賢者官不過指揮李賢內豎廝養而比隆焉

諸 公主聞之其謂 陛下何不可六也况張欽

本出朝鮮隸於欽者如此即今朝鮮使臣常處館傳